



Jón Þorláksson
sýslumaður.





920

Jón

[Pr. um 1712]

FELICEM Sed PRÆMATURAM
METAMORPHOSIN

VIRI

Dum vixit

Clarissimi Piiissimi Prudentissimi

DOMINI

JONÆ THOR-
LACII

Toparchiæ Mulensis Prætoris
dignissimi

&

Monasterij Scridensis Cænobiarchæ
Meritissimi

Ita luget

*Nominis & beneficiorum
memor*

THEODORUS WIDALINUS.

Imprimatur,
JO. GRAMMIUS.

Scholæ Schalholtinæ qvon-
dam Rector.



HAFNIÆ,
Typis Pauli Joh. Phœnibergiani.

THE UNIVERSITY OF CHICAGO
LIBRARY

1890

1891

1892

1893

1894

1895

1896

1897



Fundite mox lacrymas, quibus est lex optima
curæ,
Materies etenim Vobis Altissima flendi
Panditur, induitur vultus Themis anxia tristes,
Atq; ater folio requiescit Justinianus
Attalicos damnans habitus, præcordia vatam
Anxietate tument, titubat sub tegmine lingua
Tristia pendentis caveæ, resonare recusat
Ut solita est, turgens luctu cava testa palati:
Nam mors atra gelu permessidos abdidit undas,
Melpomene, quæ sint dicenda ad busta patroni
Legiferæ Themidos mihi suggere, flebilis actus
Sit, planctus, lacrymæ, tristisq; ululatus in auras
Evolet, ingeminent gemitus pia pectora, sintq;
Lucti-soni strepitus, volitabit triste per omnes
Pieridum, silvas murmur, resonante dolores
Arbusta, & luctus adytis reboate funebres.
Æstus erat, medium Phœbus superaverat axem;
Et Phaëtonis equi lustrabant ora Leonis
Ignea, florigeros decorabant lilia campos,
Ostendit virides Laurus pulcerrima ramos,
Et Sparfit solito dulces Cyparissus odores
Latius, ac teneras implevit Amaracus auras,

Infudit Zephyrus vires langvore solutis
Rebus, & in toto ridebant singula mundo,
Et risisse Jovem perhibet gens candida Pindi;
Cum sanctis Themidos castris struerentur ab orco
Insidiæ, patriæ dolor hic tristissimus unus
Exortus, lacrymæ rorantia lumina fuscant.
Vir fuit insignis, nulli virtute Secundus,
Seu dotes animi, seu largæ munera dextræ,
Seu genus, aut studium recti spectasse juvabit,
Thorlacides Jonas, nostro clarissimus ævo.
Quid loqvar ingentem sanctæ pietatis amorem,
Quidq; preces, summi queis pulvinaria cæli
Vexabat fervens? animus conformis Olympo
Semper erat, pietas quæ præfule digna parente,
Quo non in nostris vixit præstantior alter
Finibus, aut plures animas detraxit averno.
Ast ut maternum referat genus inclita pandunt
Acta viri, legum codex, quem veste decora
Induit Arctoæ gentis, quæ balthica spirat
Sceptra, Codanonio nedum carpenda palato.
Ille & Grajugenum transfudit facta virorum,
Tevcrorumq; ignes, miserandæ & funera Trojæ,
Fecit & ut nostro resonarent carmine, vati
Præmia digna ferens, Largæ quid munera dextræ
Commemorem? pauperq; opulentus talia latè
Expertus, domus alma cui patefacta; patentes
Aures atq; manus mites facilesq; precanti
Præstitit, ille suis depelli a postibus Irum
Non passus, miserumq; sciens sine munere nullum
Dimisit, Magnæ memorem quid fulmina mentis,
Queis adversa cohors fracta est? non prava jubentum
Murmura Dulichium turbabant spicla cerebrum

Non

Non adversantur; Scopuloq; simillimus alto
Exstitit in medio pelagi, quem fulmina circum
Luquantis pulsant fluctus, quem rauca procellis
Saxa petunt, ille immotus diverberat undas
Hicentes, nequicquam in se dilabitur æstus
Futiles & niveas linquit sine pondere spumas,
Tanta fuit virtus animo, tam pectore firmus
Exstitit, & veri turatus Casside vicit.

At pater omnipotens seculi numerosa futuri
Prætia dinumerans, tales dedit ore loquelas:
Nate tuis pedibus celeres adjungere pennas
Appropera, & Lachesis tristissima regna revise;
Dic: satis in terris vixit, qui dignus Olympo,
Concilio superum quondam decretus. At ille
Delapsus Zephyris teneras dedit ocyus alas,
Panduntur valvæ tristes, Adamantea regna
Parcarum, Lachesis sic est affatus acerbam:

Juppiter omnipotens, qui fulmine territat orbem,
Hoc subito removete, inquit, quod ducitis atrum
Subtegmen, satis est ductum, dirumpite flamen.

At tum lanificæ tendebant forte tenella
Fatq;rum Dominæ prudentis flamina vitæ
Thoracidis Jonæ, quo non servantior æqui
Vir fuit, hoc miseræ res est notissima genti.
Atropos, hæc ubi dicta dedit, quod pollice tristi
Protraxit Lachesis, secuit mox forfice filum:
Quod cum sancta Themis procul hinc lustraret, anhe-
lat,

Et sic fulmineum lacrymans affata parentem est.
Juppiter imbricator, natis heu qualia mandas
Rumpere fila tuis, fors, o, fors illa dolorum,
Causa fuit, peperit tibi cum tot monstra sorores

Qvæ flekti votis nequeunt, instantia namq;
Si non ante diem sublatum bella javasset,
Tollere tam sanctum caput, heu quid deniq; restat
Excelsum nobis! non fræno Virbius actus
Dignior ut Triviæ redivivus surgeret arte;
Hæc sunt qvæ raptâ pro virginitate reporto
Præmia, dic redeat solitas redivivus in auras
Defunctus, redeat solitas redivivus ad artes.

Talia dicta dedit per totos anxia cælos
Alma Themis, Regemq; movet, qui sydera nutu
Dirigit, is quamvis crudelia rumpere nollet
Natarum decreta, dedit tamen anxius ipse
Signa sui luctus, varias portenta per oras
Cernuntur, lacrymis stillant simulacra Deorum,

Templa dolent, adytis vox hæc data tristis ab imis:
Qvis, siquidem tristi reqviescit funere Jonas,
Templa Deum tanto ditabit munere? mortis
Non tamen inflexa est vis, aut ventura tonantis
Fata relaxantur, stant ferrea dicta fororum,
At dea qvæ cælo genita est dirumpere crines
Cœpit, & indomitis percussit pectora palmis,
Exstinctura rogum, revocatum ex carcere mortis

Illatos busto cineres, cui Juppiter ipse:
Tu ne hoc sola paras prius insuperabile fatum
Rumpere cælicolum lex est immota parentis,
Ne quis mortales inter sine funere cæli
Ascendat super astra potens; terrestris in urna
Coستا diu pars clara manet, similisque nitenti
Stellæ, tum pueros revocabit spiritus artus,
Cum discors satis est digesta ex lege tonantis
Materies, puro splendetq; simillima vitro,

Ni subito e terris vivi raptentur in auras,
Arte patris summi fractus cum labitur orbis;
Sed tamen hæc habeas tanti solatia casus:
Sunt nati bini, superent pietate parentem,
Sors ut mortalis patitur, prima atque ruina
Grandior in nostris vivat clarissimus oris
Arte piæ Themidos, cui sit lex candida curæ,
Semper & ante oculos virtus; sitq; inclitus alter,
Magnus, Avo similis, divum cui pulpita curæ,
Nobilis ut nunquam morietur fama parentis
Splendida, sed clara in prole indelebilis exster.

Hæc dum cælicolæ tractant trepidantia Clotho
Stamina dirumpit, rigidus stat corpore toto
Sangvis, & in cordis latitans dilabitur aura
Finibus, exsudant trepidantia membra liqvozem
Egelidum, roseasq; genas modo purpura linquit
Sangvinis, at nervus nunc hic nunc tenditur illic,
Contrahiturq; simul, pugnat vigor ocus omnis
Elabi, discors nunc, quem concordia junxit
Summa prius, mittit nativi & sulfuris expers
Eflugientem animam sangvis, stant lumina, at illar
Angelicos inter cantus fovet optimus inde
Iscidum genitor, mundum aspernata quiescit
Illa malum. Nati flent, fletq; marita maritum,
Ereptum terris, scinduntur & ilia luctu,
Flent quoq; cognati, lacrymis suffusa clientum
Lumina destillant falsum mihi cerdæ liqvozem.
Tota domus planctu singultit, tristior Irus
Non fuit in proprio luctu, nec Nisus amicum
Fleverat Evrialum magis, hæc ubi fama vagatur,
Templa Deum reboant, dant rauco murmura cantu
Æra, virum testata pium se plangere, quo non

His

His magis additus, nec munificentior alter
Vixerat, in medio populi plangentis opacâ
Nube ob ducta Themis sparsis stat Crinibus, atque
Ipse parens Phæbus, cupressæ ferta gerentes
Imgeminant luctus, tumulum sic claudit Apollo.

EPITAPHIUM

Cerne viator ubi jaceat vir maxi-
mus, ille
Thorlacides Jonas, marmore sub
nitido,
Corpus inest busto, melior super æ-
thera regnat
Pars, meritum, virtus, nomen,
in orbe cluit.



